

Sesta-fera, 21 di Agostu di 2020

Prezadas famílias di Skolas Publikas di Boston:

N kre agradezi nhos pa pasiensia i apoio ki nhos ten dimonstradu. Ku nhos ajuda, nu stevi ta faze planos durante veron pa un ano letivo siguru i ben susedidu. Durante otonu, Skolas Publikas di Boston (BPS) ta kontinua ta sigui diretrizos di saúde publika en evoluson i nu ta ruspeta skodjas di família oras ki nu resebi alunos di volta na skola.

Nos ano letivo ta komesa à distancia (na casa) na sigunda-fera 21 di setenbru, pa series K0-12. Primeru dia di aulas à distancia pa alunos na creche i na jardin ta ser kuarta-fera, 23 di setenbru. Komensandu na tersa-fera 8 di setenbru, nu ta resebi tudu funsionários di volta pa skola pa dizenvolvimentu prufisional i pa komesa ta kontata i resebi alunos i familias di volta na skola.

Mi ku Prefeito Walsh ten stadu ta obi i konsulta ku spesialistas di saúde publika, profisores, funsionários i ofisiais di sidadi, i nu reuni sugestons di milhares di menbros di komunidad di durantes kes dizenas di runion virtual ki nu tevi. Ku informason ki nu reuni, BPS disidi ki tudu alunos ta komesa es ano letivo li à distancia (na casa). Di forma kauteloza i sigura nu ta tranziona pa modelo di ensino misto na 1° di otubru. Modelo di ensino misto ta permiti alunos a preni en pesoa 2 dias pa semana i kes otu 3 dias es ta preni na casa. **Famílias ku alunos ki ka opta pa ensino misto, i ki teni planos pa preni 5 dias pa semana à distancia, ka ta perdi ses lugar.**

Dipos ki tudu alunos komesa aprendizagen à distansia na dia 21 di setenbru, fases di tranzison pa aprendizago prizensial sta indikadu dibaxu. Kes dós datas ta reprizenta kes diferentis dias pa alunos na Grupo A i Grupo B. Más informason sobre kes disignasons li ta ser furnesidu na proximos semanas.

**Kinta-fera, 1 di otubru:** Alunos ku nesidades más alto

**Kinta-fera, 15 di otubru (B) & sigunda-fera 19 di otubru (A):** series K0, K1, K2

**Kinta-fera, 22 di otubru (B) & sigunda-fera 26 di otubru (A):** series 1-3

**Kinta-fera, 5 di novenbru (B) & sigunda-fera 9 di novenbru (A):** series 4-8 (skolas di ensino medio ta komesa series 6-8)

**Sigunda-fera, 16 di novenbru (A) & kinta-fera, 19 di novenbru (B):** series 9-12

Nu ta intendi ki sirkunstansia di famílias ta muda; portantu, famílias pode pidi muda ses seleson inisial na formulário más resenti ki nu manda-s na dia 19 di agostu. Na sigunda-fera, 24 di agostu, BPS ta komesa ta faze xamadas pa famílias ki ka konpleta ô ka resebi formulário, pa djuda-s konpleta-l. Nu ta manda un email pa tudu famílias pa konfirma ses seleson, i dipos nu ta furnese-s un orário eskolar i informason sobre transporti eskolar si aplikavel.

Pa más informason sobre modelos di aprendizagen, i proposta más resenti pa planos di reabertura, por favor visita [bostonpublicschools.org/reopening](https://www.bostonpublicschools.org/reopening). Si bu teni algun duvida, por favor kontata [reopening@bostonpublicschools.org](mailto:reopening@bostonpublicschools.org).

Durante kes proximos semanas nu ta kontinua ta furnesi famílias ku atualizason. Obrigadu pa nhos kontinuo parseria enkuantu ki nu ta fokaliza nhos sforsus pa asigura un ano di aprendizagen siguru i saudável.

Midjor forma pa nos tudu manti siguru i pa traze alunos di volta pa skola, é pa tudu nos, faze nos parte na uza maskara, manti distancia di 2 metro di kunpanheru, ivita sta na lugares ku txeu alguen, fika na casa oras ki nu ka sta xinti dretu, i laba nos mon ku frequensia. Oras ki nu sigui kes orientason di saúde li, é ka só nos kabesa i nos familias ki nu sta manti siguru, má nu ta djuda komunidadadi tanbé, i nu ta manti nos skolas siguru pa nos alunos.

Obrigado pa nhos kolaborason i pasiensia,



Dr. Brenda Cassellius  
Superintendente